

आकाशवाणी

खबरां ----

1. प्रधानमंत्री नरेंद्र मोदी होरें आखेआ ऐ जे उन्दी सरकार कृषि विकास ते ग्राएं दी खुशहाली आहले विकास दा लक्ष्य पूरे करने पर कम्म करा'रदी ऐ।
2. प्रधानमंत्री होरें आखेआ ऐ जे भारत कार्यबल थमां विश्व बल च बदला'रदा ऐ ते बड़ी तेजिया कन्नै दुनिया भरै दे उत्पादन दा केंद्र बनदा जा'रदा ऐ।
3. गृह मंत्री अमित शाह होरें मणिपुर दी सुरक्षा स्थिति दा जायजा लैता। उनें राज्य च बेरोक टोक आओजाई गी यकीनी बनाने दे निर्देश जारी कीते।
4. उत्तराखंड दे चमोली जिले च बर्फू दे ल्हास हेठ दबोए दे 50 मजदूरें गी सुरक्षित कड्डी लैता गेआ ऐ। अधिकारिएं 4 जख्मीं मजदूरें दी मृत्यू दी पुष्टि कीती ऐ।
5. छत्तीसगढ़ दे सुकमा जिले च सुरक्षाबलें 2 माओवादिएं दा सफाया कीता।

<><><><><><>

PM-Agriculture Webinar

प्रधानमंत्री नरेंद्र मोदी होरें आखेआ ऐ जे इस बरे दे केंद्री बजट दा उद्देश्य राई-बाई आहले खेत्तर गी मता लचीला ते समृद्ध बनाना ऐ। अज्ज राई-बाई ते ग्रामीण समृद्धि पर बजट परेंत दे वेबिनार गी संबोधित करदे होई प्रधानमंत्री मोदी होरें आखेआ जे विकसित

भारत दे लक्ष्य दी बक्खी बधने दा भारत दा संकल्प बड़ा स्पष्ट ऐ। उनें आखेआ जे अस्स इक नेहू भारत दे निर्माण दी दिशा च किट्टे रलियै कम्म करा रदे आं जित्थे करसान समृद्ध ते सशक्त होन। उनें आखेआ जे राई-बाई गी विकास दा पैहला इंजन मनदे होई सरकार नै करसानें गी गौरव दा थाहर दित्ता ऐ। उनें आखेआ जे अस्स रलिये 2 लक्ष्यें बक्खी अग्गे बदा'रने आं जेडे न-कृषि खेत्तर दा विकास ते ग्राएं दी खुशहाली। प्रधानमंत्री होरें आखेआ जे सरकारै पी.एम धन धान्य कृषि योजना दी घोषणा बजट च कीती ऐ जेदे अंतर्गत देश दे घट्ट कृषि उत्पादन आहले 100 जिलें पर ध्यान दित्ता जाग।



PM NXT Conclave

प्रधानमंत्री नरेंद्र मोदी होरें आखेआ ऐ जे दुनिया 21मीं सदी दे भारत आहली बक्खी उत्सुकता कन्नै दिक्खा करदी ऐ ते ओहू अपने आपै गी कार्यबल कोला विश्वबल च तब्दील करियै दुनिया दा इक उत्पादन केंद्र यानि दुनिया दा नमां कारखाना बनदा जा रदा ऐ। अज्ज नमीं दिल्ली दे भारत मंडपम च NXT Conclave 2025 गी संबोधित करदे होई मोदी होरें आखेआ जे भारत इक नेहा देश ऐ जित्थे लगातार सकारात्मक खबरां पैदा कीतियां जा'रदियां न ते रोजाना नमें घटनाक्रम होआ'रदे न। प्रयागराज च हाल च गे सम्पन्न महाकुम्भ दा जिक्र करदे होई उनें दस्सेआ जे कियां लक्खें लोकें संगम च पवित्र चलोबी लाइयै दुनिया गी हैरान करी ओड़ेआ। प्रधानमंत्री होरें एहू बी आखेआ जे 'वोकल फॉर लोकल' ते 'लोक फॉर ग्लोबल' दा उंदा दृष्टिकोण वास्तविकता बनदा जा रदा ऐ। उनें आखेआ जे भारत अनंत नवाचारें दी धरती बनदा जा'रदा ऐ।



PM-NXT Conclave Meet

प्रधानमंत्री नरेंद्र मोदी होर अज्ज श्रीलंका दे साबका राष्ट्रपति रनिल विक्रम सिंह ते आस्ट्रेलिया दे साबका प्रधानमंत्री Tony Abott हुंदे कन्नै नमीं दिल्ली च NXT सम्मेलन दे बाहरें मलाटी कीती। प्रधानमंत्री होरें अपनी सोशल मीडिया पोस्ट च आखेआ जे उनें सदा विक्रम सिंह हुंदे बक्ख-बक्ख मामलें पर नजरिए दी सराहना कीती ते उन्दे कन्नै गल्लबात लेई उत्सुक रेह। आस्ट्रेलिया दे साबका प्रधानमंत्री हुंदे कन्नै मिलने पर खुशी प्रगट करदे होई उनें आखेआ जे Tony Abott होर सदा भारत दे मित्र देह ना। प्रधानमंत्री होरें रूस दे अंतरिक्ष यात्री Oleg Artenyev, लेखक Alec Ross ते इक प्रसिद्ध अमरीकी डॉक्टर Brian Greene ते होरनें कन्नै सम्मेलन दे बाहरें मुलाकात कीती ते विचारें दा आदान-प्रदान कीता।



HM-Manipur

केंद्री गृह मंत्री अमित शाह अज्ज मणिपुर च सुरक्षा स्थिति दी समीक्षा कीती। उनें निर्देश जारी कीते जे मणिपुर च सब्बनें सड़के पर लोकें दी बेरोक टोक आओजाई गी 8 मार्च थमां यकीनी बनाया जा। मणिपुर दे राज्यपाल अजय कुमार भल्ला हुंदी मौजूदगी च नमीं दिल्ली च इक उच्च स्तर दी मीटिंग च गृह मंत्री होरें राज्य दी सुरक्षा स्थिति दा जायजा लैता ते सड़के पर रूकावट पैदा करने आहलें खिलाफ सख्त कार्रवाई करने दे निर्देश जारी कीते। उनें निर्देश दित्ता जे मणिपुर कन्नै लगदी अंतरराष्ट्रीय सीमा पर तारबंदी दा कम्म तौले पूरा करी लैता जा। उनें आखेआ जे मणिपुर गी नशामुक्त करने लेई

विधायकें आस्तै कटड़ा च आयोजित 2 दिनें दी विधायक प्रशिक्षण शिविर कार्यशाला दे समापन सत्र गी बी संबोधित कीता।

<><><><><><>

LG-Address

मुख्यमंत्री उमर अब्दुल्ला होरें अज्ज लेफ्टिनेंट गवर्नर मनोज सिन्हा हुंदे कन्नै मलाटी कीती ते जम्मू-कश्मीर विधानसभा दे औने आहले बजट इजलास कन्नै सरबंधत बक्ख-बक्ख मुद्दें पर चर्चा कीती। विधानसभा दा बजट इजलास सोमवारें, 3 मार्च 2025 गी शुरू होआ रदा ऐ। लेफ्टिनेंट गवर्नर मनोज सिन्हा हुंदे संबोधन कन्नै बजट इजलास दी औपचारिक शुरूआत होग। लेफ्टिनेंट गवर्नर मनोज सिन्हा हुंदा एहू संबोधन बडुलै 10 बजे शुरू होग। रस्मी मन्ने आने आहले इस संबोधन गी सब्भनें विधानसभा सदस्यें दी मौजूदगी च दित्ता जाग।

<><><><><><>

CM-Ramzan

मुख्यमंत्री ओमर अब्दुल्ला होरें इस गल्लै गी फही पक्का कीता ऐ जे सार्वजनिक सेवाएं दी बवस्थित ढंगै सिर दस्तयाबी, उंदी सरकार दी इक बडुी प्राथमिकता ऐ। कल्लै थमां शुरू

होआ करदे रमज़ान दे पवित्तर म्हीने लेई तैयारियां जकीनी बनाने लेई श्रीनगर इक बैठक दी प्रधानता करदे होई ओमर होरें ई'आं आखेआ। बैठका दरान उ'नें मुतल्लका मैहकमें गी निर्देश दित्ते जे ओहू आपूं-चै नेडमा तालमेल बनाइयै कम्म करन ते इस गल्लै दी पक्की बवस्था करन जे सब्भनें गी बिजली-पानी दी निर्विघ्न सप्लाई सने, ट्रैफिक प्रबंधन ते जरूरी चीजें-बस्तें दी दस्तयाबी बी जकीनी बनाई जा।



Ashwani Vaishnav

केंद्री रेल मंत्री अश्विनी वैष्णव होरें अज्ज अहमदाबाद रेलवे स्टेशन दा दौरा करिए उथे चला रदे विकास ते बनाने सोआरने दे कम्म दा जायजा लैता। उनें मीडिया गी दस्सेआ जे लोकें दी मंग पर इक रेलवे स्टेशन गी विरासती ढंग कन्नै बनाया सोआरेआ जा रदा ऐ। इत्थै तोरण दा स्वरूप बनाया जाग, जेडा गुजरात दा सांस्कृतिक प्रतीक ऐ ते अमहदाबाद शैहर दी परम्परा गी दर्शादा ऐ। रेल मंत्री होरें इस मौके पर दस्सेआ जे गुजरात च 97 प्रतिशत रेल लाइनें दा बिजलीकरण करी लैता गेदा ऐ ते तौलें गै पूरे गुजरात च 100 प्रतिशत रेल लाइनें दा बिजलीकरण करी लैता जाग।



Chatisgarh Moaists

छत्तीसगढ़ दे सुकमा जिले च अज्ज सुरक्षाबलें कन्नै टाकरे च 2 माओवादी मारे गे। जिले दे किस्ताराम इलाके च माओवादिगं दे लब्बने दी सूह थहोने मगरा डीआरजी ते सीआरपीएफ दी इक सांझी टीम नै इलाके च अभियान चलाया जिस दौरान माओवादिगं

इक जंगल च सुरक्षाबलें पर गोलीबारी शुरू करी दिती। सुरक्षाबलें दी जवाबी कार्रवाई च 2 माओवादी मारे गो। मारे गेदे माओवादिएं दी लोथें गी सुरक्षाबलें बरामद करी लैता ऐ। इलाके च तलाशी अभियान अजें जारी ऐ।

<><><><><><>

Champions Trophy

आई.सी.सी चैंपियन्स ट्रॉफी क्रिकेट च कराची च ग्रुप-बी दे फाइनल लीग मैच च इंग्लैंड नै दक्खनी अफ्रीका अगगे जित्तने लेई 180 रन्ज दा लक्ष्य रक्खेआ ऐ। इंग्लैंड नै पैहले बल्लेबाजी करदे होई 38 इशारिया 2 ओवरें च 179 रन्ज बनाए ते ओदे सब्बै खडारी आउट होई गो। तोआई वुमन्स प्रीमियर लीग क्रिकेट च दिल्ली कैपिटल्स दा मुकाबला रायल चैलेंजर्स बेंगलुरु कन्नै हुनै शा किश चिरें मगरा साड्डे 7 बजे होग। एहू मैच बेंगलुरु दे एम. चिन्नास्वामी स्टेडियम च खेड्डेआ जाग।

<><><><><><>

Saras-Mela

जम्मू-कश्मीर ग्रामीण आजीविका मिशन आसेआ कला केन्द्र जम्मू च आयोजित सरस आजीविका मेला अज्ज संपन्न होआ करदा ऐ। पिच्छले कोई 10एं दिनें दरान इस मेले च ग्रामीण दस्तकारिएं दा इक जश्र मनाया गोआ ते एहूदे कन्नो-कन्नो बक्ख-बक्ख राज्यें थमां आए दे महिलाएं दे आप-सहायता समूहें अपने शानदार दस्तकारी उत्पादें दा प्रदर्शन बी कीता। इ'नें प्रदर्शिनएं दे अलावा सांस्कृतिक संध्या ते लाईव दस्तकारी उत्पादें दिएं नमैशें बी जम्मू-कश्मीर दिएं समृद्ध परंपराएं दी झलक पेश कीती। ग्रामीण विकास विभाग दे सचिव मोहम्मद ऐजाज़ अस्सद होरें जंदी 20 फरवरी गी एहूदा उद्घाटन कीता हा ते अज्ज

एह मेला संपन्न होआ करदा ऐ। इस सरबंधै च इक महिला उद्यमी नै अपने तजुर्बे आकाशवाणी कन्नै सांझे कीते।

<><><><><><>

NC-Congress Meet

औंदी 3 मार्च थमां शुरु होआ करदे जम्मू-कश्मीर विधानसभा दे बजट दे मद्देनज़र सत्ताधारी नेशनल कांफ्रेंस नै कल अपने पार्टी विधायक दल दी इक महत्वपूर्ण बैठक सद्दी दी ऐ। चीफ व्हिप मुबारक गुल होरें इस गल्लै दी तसदीक कीती ऐ जे एह बैठक कल जम्मू च मुखमंत्रि हुंदी सरकारी कोठी पर दपैह्नी 2 बजे लोआई जाह्ग ते एह्दी प्रधानता मुखमंत्रि ओमर अब्दुल्ला होर करडन। इस बैठक दरान औंदे बजट सने मुख विधायी मामलें उप्पर ध्यान केन्द्रित कीता जाह्ग। तोआई कांग्रेस पार्टी नै बी बजट इजलास कोला पैह्ले जम्मू च कल अपने पार्टी विधायक दल दी इक बैठक सद्दी दी ऐ। इस सरबंधत च जारी चिट्ठी च पार्टी दे चीफ व्हिप ते बांडीपोरा थमां विधायक निज़ामुद्दीन भट्ट होरें पार्टी दे सब्भनें विधायकें गी जम्मू च पार्टी दे सदर दफ्तर पर होने आह्ली इस बैठका च हिस्सा लैने दा साद्दा दित्ता ऐ। ऊआं कांग्रेस आला कमान नै आखेआ ऐ जे उ'नें सत्ताधारी गठबंधन दे विधायकें दी कुसै सांझी बैठक लेई अजें नेशनल कांफ्रेंस दी तरफा उनें'गी कोई अधिकारिक जानकारी नेई थ्होई दी ऐ।

<><><><><><>